

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
GRAD ZENICA
Stručna služba Gradskog vijeća

Broj: 10 – 49-11932/18
Zenica, 14.06.2018. godine

- Svim gradskim službama,
- Svim javnim ustanovama i javnim preduzećima,
čiji je osnivač Grad Zenica,
- Mjesnim zajednicama Grada Zenica
- Parlamentarnim strankama
- Udruženju privrednika-poslodavaca
- MUP ZDK

PREDMET: Obavijest o održavanju javne rasprave o Nacrtu Zakona o izmjenama i dopunama Zakona o nabavljanju, držanju i nošenju oružja i municije,

Poštovani,

Postupajući po Zaključku Skupštine Zeničko-dobojskog kantona, broj: 01-02-8509/18 od 22.05.2018. godine, kojim se prihvata Nacrt Zakona o izmjenama i dopunama Zakona o nabavljanju, držanju i nošenju oružja i municija, ovim putem vas obavještavamo da će se **javna rasprava povodom navedenog nacrtu zakona u Gradu Zenica održati u četvrtak, 21.06.2018. godine, s početkom u 10,30 časova u velikoj sali Grada Zenica.**

Svrha javne rasprave je da se o predloženim rješenjima upoznaju predstavnici svih zainteresovanih subjekata s područja općina u sastavu Zeničko- dobojskog kantona, pa s tim u vezi i Grada Zenica, uključujući lovačka udruženja, streljačke organizacije, firme koje se bave prometom oružja i municije, udruženja i drugi, uz učešće predstavnika javnog informisanja, kako bi se građani, odnosno šira javnost upoznali s odredbama nacrtu ovog zakona, te se od predmetne javne rasprave očekuje doprinos svih zainteresovanih lica s ciljem poboljšanja teksta Zakona o izmjenama i dopunama Zakona o nabavljanju, držanju i nošenju oružja i municije.

Napominjemo da je Nacrt Zakona o izmjenama i dopunama Zakona o nabavljanju, držanju i nošenju oružja i municija dostupan na službenoj internet stranici ZDK: www.zdk.ba i službenoj internet stranici MUP-a ZDK: www.mupzdk.gov.ba, a uvid u isti može se izvršiti i u Stručnoj službi Skupštine ZDK.

S poštovanjem,

Prilog: - kopija Obavijesti MUP ZDK broj: 08-04/1-02-1-2721/18 od 29.05.2018. godine,
- kopija Plana Javne rasprave o Nacrtu Zakona o izmjenama i dopunama
Zakona o nabavljanju, držanju i nošenju oružja i municije,
broj: 08-04/1-02-1-2721 od 29.05.2018. godine



SEKRETARKA
GRADSKOG VIJEĆA

Azra Hajdarević
Azra Hajdarević, dipl. pravnik

DOSTAVLJENO:

- 1x Gradonačelnik
- 1x Svim gradskim službama
- 1x Svim javnim preduzećima
čiji je osnivač Grad Zenica
- 1x Svim javnim ustanovama
čiji je osnivač Grad Zenica
- 1x Mjesnim zajednicama Grada Zenica
- 1x Parlamentarnim strankama
- 1x Udruženju privrednika-poslodavaca
- 1x MUP ZDK
- 1x službena internet stranica Grada Zenica
- 1x Stručnoj službi Gradskog vijeća
- 1x a/a



Broj: 08-04/1- 021-2721/18
Dana: 29. 05. 2018. godine

SVIM OPĆINAMA NA PODRUČJU ZENIČKO-DOBOJSKOG KANTONA
n/r Općinskog načelnika
GRAD ZENICA
n/r Gradonačelnika

PREDMET: Obavijest, dostavlja se,-

Zaključkom broj: 01-02-8509/18 od 22.05.2018. godine, Skupština Zeničko-dobojskog kantona na 60. sjednici održanoj dana 22. 05. 2018. godine prihvatila je Nacrt Zakona o izmjenama i dopunama Zakona o nabavljanju, držanju i nošenju oružja i municije.

Istim zaključkom utvrđeno je da se Nacrt Zakona upućuje u javnu raspravu, da je rok za provođenje javne rasprave 30 dana i da su organizatori rasprave općinski načelnici, a u Gradu Zenica gradonačelnik Grada i Ministarstvo unutrašnjih poslova.

Nacrt Zakona o izmjenama i dopunama Zakona o nabavljanju, držanju i nošenju oružja i municije nalazi se na web site: www.zdk.ba i www.mupzdk.gov.ba., dostupan je u Stručnoj službi Skupštine kantona i u Ministarstvu unutrašnjih poslova, radi proučavanja njegovih odredbi i priprema za održavanje posebnih sastanaka – javne rasprave u svih jedanaest općina i Gradu Zenica sa predstavnicima Ministarstva unutrašnjih poslova koje je pripremio Nacrt Zakona.

O datumu, vremenu i mjestu održavanja javne rasprave organizatori trebaju na pogodan način obavijestiti javnost, kao i o mjestu gdje je moguće izvršiti uvid u Nacrt Zakona. Ministarstvo unutrašnjih poslova je sačinilo Plan javne rasprave koji vam u prilogu dostavljamo.

S tim u vezi, predlažemo da se javne rasprave po općinama kao i Gradu Zenica održe u vremenu od 11. 06. 2018. do 21. 06. 2018. godine.

Molimo Vas da odredite osobu koja će ispred općine, odnosno Grada Zenica komunicirati sa predstavnicima Ministarstva unutrašnjih poslova, kao i osobu koja će voditi zapisnik na sastanku – javnoj raspravi.

Kontakt osoba u Ministarstvu unutrašnjih poslova za općine Žepče, Zavidovići, Maglaj, Tešanj, Usora i Doboj Jug je Smajlović Inda, Stručni savjetnik za pravna pitanja u Uredu Policijskog komesara, broj telefona 032 449 249 lokal 482.

Kontakt osoba za općine Zenica, Kakanj, Visoko, Breza, Vareš i Olovo je Duraković Miralem, šef Ureda Policijskog komesara, broj telefona 032 449 249 lokal 482.

Za sva dodatna pitanja, prijedloge i sugestije možete nas kontaktirati.

PRIOLOG: Kopija Plana javne rasprave.

S poštovanjem,

Dostavljeno:

- Naslov x 12,
- a/a x 1



MINISTAR

Nikola Arsenić



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA
Z E N I C A

Broj: 08-04/1-02- 1-2721 /18
Dana: 29. 05. 2018. godine

Postupajući po Zaključku Skupštine Zeničko-dobojskog kantona broj: 01-02-8509/18 od 22. 05. 2018. godine, a koji se odnosi na obavljanje javne rasprave o usvojenom Nacrtu Zakona o izmjenama i dopunama Zakona o nabavljanju, držanju i nošenju oružja i municije, Ministarstvo unutrašnjih poslova Zeničko-dobojskog kantona donosi:

PLAN JAVNE RASPRAVE
o Nacrtu Zakona o izmjenama i dopunama Zakona o nabavljanju, držanju i nošenju oružja i municije

I

Ministarstvo unutrašnjih poslova je u skladu sa Programom rada Vlade i Skupštine Zeničko-dobojskog kantona za 2018. godinu, pripremlilo Nacrt Zakona o izmjenama i dopunama Zakona o nabavljanju, držanju i nošenju oružja i municije. Realizacija programa započeta je u mjesecu januaru ove godine, a izmjenama i dopunama Zakona pristupilo se na inicijativu poslanika u Skupštini Zeničko-dobojskog kantona gosp. Plančić Ibrahima i Handžić Hasana.

Vlada i Skupština Zeničko-dobojskog kantona su podržale predloženi tekst Nacrta i nakon održane sjednice u cilju poboljšanja teksta Nacrta Zakona o izmjenama i dopunama Zakona o nabavljanju, držanju i nošenju oružja i municije i eventualnih sugestija i prijedloga predložile provođenje javne rasprave svih zainteresovanih subjekata.

Osnovni razlozi za donošenje izmjena i dopuna predmetnog Zakona su podnesene inicijative poslanika u Skupštini Zeničko-dobojskog kantona gosp. Plančić Ibrahima i Handžić Hasana.

Inicijativa Plančić Ibrahima podrazumijeva izmjene Zakona o nabavljanju, držanju i nošenju oružja i municije-Prečišćeni tekst, u smislu da se:

- a) izmijeni član 11a. na način da se municija za kratko vatreno oružje može nabavljati na osnovu važećeg oružnog lista bez odobrenja i bez ograničenja količine municije,
- b) da se briše član 17. obzirom da snajper nije oružje već optički nišan,
- c) da se u članu 9c. stav (1) tačka b) doda alineja 5. koja će glasiti "za lica koja su posjedovala registrovano kratko vatreno oružje, potvrdom/uvjerenjem nadležnog organa kod kojeg je posjedovao registrovano oružje", i
- d) da se članovi 37. i 39., a u vezi sa članom 8. dodatno usklade sa odredbama Zakona o prekršajima i Zakona o krivičnom postupku u F BiH u smislu definisanja koji su to prekršaji i krivična djela (teži lakši; da li je prouzrokovana veća ili manja šteta njihovim činjenjem; jesu li za počinjenje istih kažnjeni ili im je izrečena sankcija pod uvjetom i sl.).

Ministarstvo unutrašnjih poslova Zeničko – dobojskog kantona je podržalo inicijativu za izmjene i dopune Zakona o nabavljanju, držanju i nošenju oružja i municije - Prečišćeni tekst ("Službene novine Zeničko-dobojskog kantona", broj: 9/13 i 1/14) pod alinejama a) i c), a nije podržalo inicijativu pod alinejama b) i d).

Inicijativom Handžić Hasana se predlaže regulisanje korištenja vatrenog oružja u smislu komercijalnog i turističkog lova stranaca na području Zeničko-dobojskog kantona, koju je ovo Ministarstvo podržalo.

Nakon detaljne analize teksta Zakona, Ministarstvo unutrašnjih poslova je kao obrađivač teksta pripremlilo i predložilo izmjene i dopune kao u tekstu Zakona.

Cilj javne rasprave je da se o predloženim rješenjima upoznaju predstavnici svih zainteresovanih subjekata sa područja općina, odnosno kantona, uključujući lovačka udruženja, streljačke organizacije, firme koje se bave prometom oružja i municije, udruženja i dr. uz sudjelovanje predstavnika javnog informisanja kako bi se građani odnosno šira javnost upoznali sa odredbama Nacrta Zakona i eventualno poboljšali tekst Zakona o izmjenama i dopunama Zakona o nabavljanju, držanju i nošenju oružja i municije.

Od javne rasprave se očekuje doprinos svih zainteresovanih u poboljšanju teksta Nacrta Zakona koji će Vlada Zeničko-dobojskog kantona kao predlagač dostaviti Skupštini Kantona u vidu Prijedloga Zakona na razmatranje odnosno usvajanje.

II

Javna rasprava obaviti će se na sastancima u sjedištu općina na području Zeničko-dobojskog kantona i Gradu Zenica koji se održavaju u sljedećim terminima:

- | | |
|-----------------------|------------------------------------|
| 1. Općina Olovo | 18. 06. 2018. godine u 10:30 sati, |
| 2. Općina Vareš | 19. 06. 2018. godine u 10:00 sati |
| 3. Općina Breza | 19. 06. 2018. godine u 12:30 sati, |
| 4. Općina Kakanj | 20. 06. 2018. godine u 10:00 sati, |
| 5. Općina Visoko | 20. 06. 2018. godine u 12:00 sati, |
| 6. Općina Maglaj | 11. 06. 2018. godine u 10:00 sati, |
| 7. Općina Žepče | 12. 06. 2018. godine u 10:00 sati, |
| 8. Općina Zavidovići | 12. 06. 2018. godine u 12:00 sati, |
| 9. Općina Tešanj | 13. 06. 2018. godine u 10:30 sati, |
| 10. Grad Zenica | 21. 06. 2018. godine u 10:30 sati, |
| 11. Općina Doboju jug | 14. 06. 2018. godine u 10:30 sati, |
| 12. Općina Usora | 14. 06. 2018. godine u 12:00 sati. |

Sastanke u općinama, odnosno Gradu Zenica prema gore predloženom rasporedu blagovremeno će zakazati službe načelnika općina, odnosno gradonačelnika Grada Zenica, i sekretari općinskih vijeća i sekretar Gradskog vijeća Zenica koji će osigurati prostore koji omogućuju prijem dovoljnog broja osoba za održavanje javne rasprave, kao i osigurati prisustvo subjekata iz stava I ovog plana kao i odrediti lice – zapisničara zaduženog za dostavu sumiranih rezultata sa javne rasprave Ministarstvu unutrašnjih poslova Zeničko-dobojskog kantona kao obrađivaču teksta Zakona.

Na svim navedenim sastancima Ministarstvo unutrašnjih poslova Zeničko-dobojskog kantona će osigurati prisustvo svojih predstavnika radi vođenja javne rasprave, a sve sa ciljem lakšeg sumiranja javne rasprave o Nacrtu Zakona o izmjenama i dopunama Zakona o nabavljanju, držanju i nošenju oružja i municije u svih jedanaest općina sa područja Kantona i Gradu Zenica.


III

Za izvršenje ovog Plana odgovorno je Ministarstvo unutrašnjih poslova Zeničko-dobojskog kantona.

IV

Ministarstvo unutrašnjih poslova je na svojoj službenoj web stranici dana 29.05.2018.godine, objavilo tekst Nacrta Zakona o izmjenama i dopunama Zakona o nabavljanju, držanju i nošenju oružja i municije kako bi se zainteresovane stranke na vrijeme mogle upoznati sa tekstom i dati svoj doprinos na poboljšanju teksta Zakona.

M I N I S T A R


Nikola Arsenić